



Esp. kodea: 2023EDIR0019
Titularra: Goiena kooperatiba elkarte

Gaia: 2023ko dirulaguntza eskaera: Arrasate Press digitalizatzeko
Hasiera data: 2023/07/11

Hitzarmena

Arrasateko Udala eta Goiena komunikazio taldearen artekoa, Arrasate Press aldizkaria digitalizatzeko

Bildurik

Alde batetik, Iban Arantzabal Arrieta jauna, NA 72455964F duena, adinez nagusia, Goiena Komunikazio Taldearen izenean eta errepresentazioz.

Eta bestetik, Maider Morras Azpiazu, NA 15398277F duena, adinez nagusia, Arrasateko Udaleko alkate-udalburua, beronen izenean eta ordeztuz diharduena, horretarako behar bezala ahaldundua dagoelarik.

Bi aldeek, hitzarmena egiteko eskuduntza eta gaitasuna aitortzen diote elkarri.

Lege testuingurua

Euskararen Erabilpena Arauzkotzeko azaroaren 24ko 10/1982 Oinarrizko Legeak herritarren hizkuntza eskubideak aitortu eta herri-agintek hizkuntzaren alorrean dituzten betebeharrak ezartzen ditu. Albisteak eta informazioa euskaraz jasotzeko eskubidea aitortzen die herritarrei, besteak beste. Lege horren arabera, beraz, Euskal Herriko herri-agintek –eta, zehazkiago esanda, udalek– euskara zabaldu eta zabaltzen laguntzeko obligazioa dute, bai eta komunikabideen arloan ere.

Horretaz gain, 2/2016 Legeak, apirilaren 7koa, Euskadiko Toki Erakundeei buruzkoak, 7. artikuluan zehazten du udalei izendatzen zaiela eskumen propio gisa, izendatuta dauzkaten arloetako zerbitzu eta jardueretan euskararen erabilera sustatzeko eta euskararen normalizazioa planifikatzeko eskumena.

Azalpenak

Handia eta aberatsa izan da azken urteotan Arrasaten eta Debagoienean herri eta eskualde komunikabideen alde egindako lana eta ahalegina. Horren fruitu emankor bilakatu dira herritarrengandik hain harrera ona eta beroa jaso duten Goiena papera, Goiena telebista, Goiena.eus eta Arrasate Udal Irratia.

Proiektu horietan guztietan, Arrasateko euskara elkarteek berebiziko garrantzia izan dute, euren ekimenez sortu baitira komunikabideok. Herri agintek, bestalde, ezinbesteko bultzada eman diete, behar zituzten azpiegiturak, baliabideak, dirulaguntzak eta babesa eskainiz. Herri ekimenaren eta administrazioaren arteko elkarlanaren fruitu dira, beraz, gaur egun Goiena Komunikazio Taldeak kudeatzen dituen komunikabideok. Arrasateko Udalak garrantzi handiko deritza, batetik, Goiena Komunikazio Taldeak egiten duen lan eskergari behar bezalako laguntza ematen jarraitzeari eta, bestetik, bide batez geroa ziurtatu eta sendotzeari ere.

Hori guztia dela eta, hitzarmen hau izenpetzen dute, ondorengo klausulen arabera:

| | | | | |
|---|---|--------------|--------------------------|--|
| Kodea | BD23/00019 | Udala | Arrasate/Mondragón | |
| Data | 2023/ira./06 | CUDO | 000.0055.AAAAZ7KT.H.LJXp | |
| URL | https://uzt.gipuzkoa.eus/PortalV/r/eu/55/AAAAZ7KTH.LJXp | | | |
| Dokumentu honen balioa egiaztatzeko, sartu zaituzte webgunean edo irakurri ezazu QR irudia. | | | | |



Esp. kodea: 2023EDIR0019
Titularra: Goiena kooperatiba elkarte

Gaia: 2023ko dirulaguntza eskaera: Arrasate Press digitalizatzeko
Hasiera data: 2023/07/11

Klausulak

Lehena. Hitzarmen honen helburua da 2023an Goiena Komunikazio Taldeak eta Arrasateko Udalak, elkarlanean eta Goienaren ardurapean, 2023an burutuko dituzten digitalizazio jardueretarako dirulaguntzak xedatzea.

Bigarrena. Hitzarmen honen bidez, Arrasate Press digitalizatzeko jarduerak 38. 000 €-rekin lagunduko ditu Arrasateko Udalak.

Hirugarrena. Koordinazio mekanismoak eratuko dituzte bi aldeek, erabakiak hartu aurretik adostasuna lortzea beharrezkoa den kasuetarako. Koordinazio mekanismo gisara bitariko batzordea eratzea adosten da, hitzarmen honen betetze eta interpretazioan sor daitezkeen arazoak ebazteko egitekoarekin. Batzorde hori osatuko dute Euskara saileko zinegotzi eskuordetuak eta Goiena Komunikazio Taldeko Lehendakariak.

Laugarrena. Hitzarmen honek finkatzen duen dirulaguntza hamabi zatitan ordainduko dio Arrasateko Udalak Goiena Komunikazio Taldeari. Hitzarmen hau sinatu eta berehala ordainduko dio Arrasateko Udalak Goiena Komunikazio Taldeari urte hasieratik hona pasatu diren hilabeteen likidazioa, emandako aurrerakinak deskontaturik.

Bosgarrena. Aurtengo jardueraren azalpen memoria aurkeztuko du Goiena Komunikazio Taldeak datorren 2024ko urtarrilaren 15a baino lehen, eta, horrekin batera, emaitzen balorazioa eta diru kontuen likidazioa.

Seigarrena. Eusko Jaurlaritzako Hizkuntza Politikarako Sailburuordetzak eman ditzakeen dirulaguntzak justifikatzeko beharrezko fakturen kopia eta ziurtagiriak ere Goiena Komunikazio Taldeak prestatuko ditu.

Zazpigarrena. Alderdiek ez badituzte dagozkien betebeharrak betetzen, hitzarmena bertan behera uzteko prozedura hasiko da. Hitzarmena bertan behera utziz gero, hitzarmena bete duen alderdia bere betebeharrak betetzetik salbu geratuko da.

Zortzigarrena. Hitzarmen honek urtebeteko iraunaldia izango du, baina automatikoki bertan behera geratuko da, 2024 urteari dagokion hitzarmena sinatzen den egunean.

Eta horrela jasota uzteko eta adostasuna adierazteko, honako hitzarmen hau egin, eta izenpetzen dute bildutakoek.

Goiena Komunikazio Taldeko lehendakaria

Arrasateko Udaleko alkate-udalburua

| | | | | |
|---|---|--------------|--------------------------|--|
| Kodea | BD23/00019 | Udala | Arrasate/Mondragón | |
| Data | 2023/ira./06 | CUDO | 000.0055.AAAAZ7KT.H.LJXp | |
| URL | https://uzt.gipuzkoa.eus/PortalV/r/eu/55/AAAAZ7KTH.LJXp | | | |
| Dokumentu honen balioa egiaztatzeko, sartu zaituzte webgunean edo irakurri ezazu QR irudia. | | | | |